

PREDGOVOR

Sa ciljem ostvarenja situacije u kojoj postoje uvjeti za gender jednakost i ravnopravnost kao preduvjeti za demokratiju i dobru upravu, pokrenut je, među ostalim, i GEEP/FOD projekt "Gender mainstreaming u obrazovanju i medijima". Institucije koje su vodile projekt su Agencija za ravnopravnost spolova Bosne i Hercegovine, Gender centar Federacije Bosne i Hercegovine, Gender centar Republike Srpske, a izvršna agencija projekta bio je Nezavisni biro za humanitarna pitanja (IBHI) BiH.

U okviru sektora obrazovanja određeni su i specifični projektni ciljevi: prevazilaženje gender stereotipa i profesionalne segregacije i razvoj profesionalnih programa primjenjivih u vrtićima i završnim razredima u osnovnom i srednjem obrazovanju. Smatra se da bi to pomoglo smanjenju disproporcije prilikom odabira zanimanja među ženskom i muškom djecom, a gledajući dugoročno i status muškaraca i žena u društvu bi se izjednačio.

Agencija za ravnopravnost spolova Bosne i Hercegovine, Gender centri Federacije BiH i Republike Srpske ovaj su projekt izgradili na već postignutim rezultatima integriranja gendera u obrazovanju u oba entiteta uz podršku GEEP i GEEP/FOD projekata čija izvršna agencija je Nezavisni biro za humanitarna pitanja (IBHI) BiH.

Materijali koji se objavljuju u ovom Zborniku su prikupljeni tokom trogodišnjeg rada na gender mainstreamingu u obrazovanju u Bosni i Hercegovini i njenim entitetima i predstavlja presjek stanja u ovoj oblasti u okviru GEEP i GEEP/FOD projekata.

Važno je napomenuti da je za ovu namjenu održano šest seminara za direktore/direktorice i pedagoge/pedagoginje osnovnih i srednjih škola, kao i predstavnike/ce predškolskih ustanova, na kojima je učestvovalo gotovo 500 članova/ca osoblja iz 208 osnovnih i 85 srednjih škola iz cijele Bosne i Hercegovine; da je na pomenutim seminarima podjeljeno preko 3500 kopija različitih brošura, publikacija i priručnika za obuku; da je rađeno na integraciji gendera u Nastavni plan i program i obrazovne procese kroz podršku i uključivanje predstavnika Republičkog pedagoškog zavoda Republike Srpske i Pedagoškog zavoda Kantona Sarajevo; da je štampano 3000 primjeraka knjiga za obuku koje će poslužiti kao instrumenti za rad nastavnog osoblja i pedagoga/pedagoginja; te da je za štampanje pripremljena publikacija "Zbornik o gender pristupu u odgojno/vaspitno-obrazovnim procesima".

Zbornik bi trebao pozitivno utjecati na gender senzitivnost nastavnog osoblja, razviti gender senzitivni pristup i instrumente za nastavno osoblje, smanjiti gender stereotipe u školama i vrtićima, povećati samopouzdanje djece i učenika koji pohađaju predškolsko, osnovno i srednje obrazovanje i povećati gender senzitivnost kod djece i učenika/ca.

Ispred GEEP Menadžment tima,

Samra Filipović- Hadžiabdić Koordinatorica ispred Bosne i Hercegovine	Ana Vuković Koordinatorica ispred Vlade Federacije Bosne i Hercegovine	Споменка Крунић Координаторица испред Владе Републике Српске	Lejla Somun-Krupalija Koordinatorica projekta
Direktorica Agencija za ravnopravnost spolova Bosne i Hercegovine	Direktorica Gender centar Federacije Bosne i Hercegovine	Директорица Гендер центар Републике Српске	Zamjenica direktora IBHI